

COMMENTATIONES

SOCIETATIS REGIAE SCIENTIARVM
GOTTINGENSIS

AD A. C^ICC^XC^{III}. ET XCIV.

VOLVMEN XII.



CVM FIGVRIS.

GOTTINGAE,

Apud JOANN. CHRISTIAN. DIETERICH.
c^ICC^XC^{VI}.

INDEX COMMENTATIONVM
VOLVMINIS DVODECIMI.

Praefatio Ch. G. Heynii	- - - - -	pag. I - XV
<i>Commentationes physicae:</i>		
Jo. Frid. Gmelin de Niccoli quadam calce indurata	- - - - -	p. I
Ge. Franc. Hoffmann descriptiones et icones plantarum	- - - - -	22
Jo. Frid. Blumenbach Decas tertia Craniorum diuersarum gentium	- - - - -	38 - 51
<i>Commentationes mathematicae:</i>		
Ge. Sim. Klügel de perturbationibus corporum coelestium facilius et concinnius euoluendis Pars secunda. Sectio I.	- - - - -	p. I
— — — Sectio II.	- - - - -	24
— de functione potentiali	- - - - -	50
Abr. Gotth. Käftner de corporibus regularibus abscissis et eleuatis	- - - - -	61
Jo. Trembley Disquisitio elementaris circa calculum probabilium	- - - - -	99
<i>Commentationes historicae et philologicae:</i>		
Tho. Chr. Tychsen de religionum Zoroastricarum apud exteras gentes vestigiis Commentatio altera	- - - - -	p. I
Chph. Meiners de Nominalium ac Realium initiiis atque progressu	- - - - -	24
A. H. L. Heeren de militum Aegyptiorum in Aethiopiam migratione et coloniis ibi conditis	- - - - -	48
Chph. Meiners de S. Hildegardis vita, scriptis et meritis	- - - - -	69
Jo. Gottl. Buhle de fontibus, vnde Albertus Magnus libris suis XXVI. de animalibus materiem hauserit	- - - - -	94
Jo. Chph. Gatterer de Sarmatica populor. Letticor. origine Commentatio I.	- - - - -	116
— — — Commentatio II.	- - - - -	153
— — — Commentatio III.	- - - - -	210
C. G. Heyne de interitu operum cum antiquae tum senioris artis quae Cpoli fuisse memorantur, eiusq. causis ac temporibus Commentatio prior	- - - - -	273
— — — Commentatio posterior	- - - - -	292 - 308

Tabulae aeri incisae.

Ad Commentationes physicas:

G. F. Hoffmann descriptiones et icones plantarum tab. I.	p. 23
II.	p. 25
III.	p. 27
IV.	p. 28
V.	p. 29
VI.	p. 33

J. F. Blumenbach Decas tertia Craniorum tab. XXI - XXX. p. 39 - 49

Ad Commentationes mathematicas:

A. G. Käftner de corporibus abscissis tab. I. II. p. 67.

Ad Commentationes historicas:

J. C. Gatterer populorum Letticorum origines a Sarmatis tab. I. p. 116.

COMMEN-

JO. FRID. BLUMENBACHII
DECAS TERTIA COLLECTIONIS
SVAE CRANIORVM
DIVERSARVM GENTIVM ILLVSTRATA.

D. XXVIII. MART. MDCCXCV.

Quamquam priores duae decades insignem satis et memorabilem craniorum diuersarum gentium copiam exhibuerint, bina tamen haec tenus restabant, quibus inuitissimus carebam ad seriem valueram anthropologico scopo explendam: primo nempe caput osseum tanta symmetricae pulcritudinis perfectione conspicuum ut pro norma quasi ideali et canone venustissimae conformatio[n]is haberi possit: tum vero unum quoque alterumue specimen istius generis humani varietatis quae oceanii australis insulanos complectitur.

Vtrique desiderio iam satisfecerunt pro insigni sua erga me munificentia viri Perillustres BANKSIUS Baronetus, et L. B. DE ASCH. Huic nempe acceptum refero speciosissimum cranium feminae adolescentis Georgiana; isti vero bigam craniorum vtriusque stemmatis principis barbarorum australis oceanii insulas habitantium; alterum nempe Nouo-Hollandi, alterum Otaheita.

Hisce vero selectum septem aliorum capitum osseorum talem iunxi, vt nunc tertiae huius decadis additione satis completam varietatis gentilitiae craniorum synopsin, me exhibuisse, confidam.

VARIE.

V A R I E T A T I S P R I M A E
S P E C I M I N A B I N A .

XXI. FEMINAE GEORGIANAE.

(— Tab. XXI. —)

Cranium est, ut modo dixi, feminae iuuenis Georgiana, quae nuperiore bello Turcico a Russis capta, et Moscouiam translata, illic cum morte subitanea obiisset, cauissam eius legali sectione ex muneric officio indagauit cl. HILTEBRANDT, anatomes Professor apud Moscovientes dignissimus; qui caput osseum ob eximiam formae elegantiem curate seruauit, et Perillustri L. B. DE ASCH Petropolin misit, cuius liberalitate, quam toties iam expertus veneror, in collectio-
nem meam transiit.

Vniuersus huius cranii habitus tam elegans et venustus, ut et tantum non semper vel indoctorum, si qui collectionem meam contemplantur, oculos eximia sua proportionis formositate feriat.

Caluaria subglobosa, versus tempora paulo compressior; frons modice explanata; ossa iugalia angustiora, inde a processu malari ossis frontis leniter vtrinque descendantia et retrorsum flexa; arcus superciliares aequabiles nullo ad glabellam interfinio distincti, sed eo loco molli potius tubere cum nasi dorso confluentes; limbus alveolaris aequabiliter arcuatus; mentum pleniusculum, pulchre ro-
tundatum; verbo, in vniuerso capitis huius ossei ambitu nihil asperi, nihil praeter modum profilientis, ita ut perfecte medium teneat locum inter bina faciei gentilitiae in humano genere extrema; Mongolicum nempe alterum, facie complanata et quasi depressa, ac ossum iuga-
lium extrorsum vtrinque directa eminentia insigne; alterum Aethio-
picum, fronte contra tuberosa et fornicata, ac mandibulis angustis sed antrorsum porrectis, conspicuum.

Quam ingenter enim bina ista extrema ab iniicem abhorreant,
quamque perfecte medium inter ea locum teneat Georgianae de quo agimus cranium, luculentissime patescit craniis his iuxta se positis,
facie

facie eorum ad eandem lineam horizontalem directa, tumque retro a vertice consideratis; de cuius aspectus seu *normae verticalis* ad craniorum formam gentilitiam inuicem comparandam ratione et vsu alias egi, et ipfissimorum quae modo dixi ternorum craniorum exemplis illustravi a).

Quanta vero Georgiana capiti osseo symmetrica proportio et venustas, optime sentitur curatius id ipsum comparando cum uno alteroue femineo simulachro diuinorum artis antiquae Graecanicae operum. Est mihi v.c. dum haec scribo ad manus gypseum exemplum protomes marmoreae Clyties ineffabili pulcritudine conspicuae, quae ex Laurentiano quo Neapolis superbit palatio in thesaure selectissimum artis antiquae operum transiit, quem vir humanissimus et doctissimus CAR. TOWNLEY Londini summo iudicio et gusto sibi congesit. Comparato iam isto de quo agimus crano cum hocce capite gypseo, quatenus nempe inuicem conferri possunt, adeo istud huic respondere vides, vt illud huius prototypo quandam inhaesisse, peierares.

Respondet ceteroquin formosum istud cranium, quod sane pro canone ideali habere licet, iis quae de summa Georgiana gentis pulcritudine vel in vulgus nota sunt b).

* * *

XXII.

a) *De generis humani varietate nativa*, edit. 3. 1795. pag. 204 sq. tab. I. fig. I. 2. 3.

b) Ex nube testium citasse sufficiat Jo. CHARDIN, itinerarii classici vol. I. pag. 171. ed. Amst. 1735. 4. — “Le sang de Géorgie est le plus beau de l’Orient, et je puis dire du monde. Je n’ai pas remarqué un visage laid, sen ce païs-là, parmi l’un et l’autre sexe: mais j’y en ai vu d’angéliques. La Nature y a répandu sur la plupart des femmes, des graces qu’on ne voit point ailleurs. Je tiens pour impossible, de les regarder sans les aimer. On ne peut peindre de plus charmans visages, ni de plus belles tailles, que celles des Géorgiennes.”

XXII. SARMATAE LITVANI.

(— Tab. XXII. —)

Donum desideratissimi REINEGGS, viri de re medica et historia naturali longe meritissimi, quod itidem cura Generosissimi ASCHIADAЕ ad me peruenit.

Eam praesertim ob caussam hic exhibeo, vt ad oculum quod aiunt comprobem, quae alias in *lineam facialem* CAMPERI animad-verti, quam male nempe sufficiat ad characterem craniorum gentilium constituendum. Quodsi enim hocce de quo agimus cranium a latere tantum spectamus, parum sane abest quin ei Aethiopis Congensis capiti osse, quod Decadis secundae tab. XVIII delineatum est, fere vt ouum ouo simile sit; quando vero vtrumque ad *normam verticalem* reuocatur, quam modo dixi, mirum quantum vnum ab altero differre, luculentissime appetet. Tunc enim alterum vel angusta iam et a lateribus quasi compressa caluaria, fronteque tuberosa et fornicata, aperte Aethiopicam originem testatur; et insigniter ab altero hocce Sarmatico discrepat.

Validissimum ceteroquin hocce cranium est, valde crassum, robustum et ponderosum: proiectioris aetatis viri: praeter alia minoris momenti, maxime limbi orbitalium angustia, harumque contra alta profunditate, et sinibus frontalibus praesertim ad glabellam horride prominentibus, insigne.

* * *

VARIETATIS SECUNDÆ
SPECIMINA TERNÆ.

XXIII. SINENSIS DAÜRICI.

(— Tab. XXIII. —)

Cranium est genuini Tungusae Daürici s. Sinensis tribus Saradulicæ, quæ quidem Seculo posteriore ad finem vergente principem GANTIMUROW secuta, Amuri ripas relinquens, Russicæ potestati se subiecit. Senis est octoginta octo annorum, ante aliquot annos ad Onon fl. prope reseruatum ut vocant, Tungusio-Iljinense mortui, a viro egregio Jo. ROESSLEIN, M. D. Rutenorum Imperatrici ab aulae consiliis, in itinere Sibirico versante, ex sepulcro erutum, et ad Perill. Bar. DE ASCH Petropolin missum est, cuius liberalitate in meam collectionem transiit.

Charactères primarii. Omnes ac singuli habitum Mongolicum spirant. Facies plana, depressa; naso simo, fossa malari levissime tantum sinuata, et ossibus iugalibus vtrinque ad latera exorrectis. Mentum prominulum.

Alia obseruata. Limbus alveolaris superior, et si pridem edentulus, tamen non ut alias in silicerniis dentibus orbis solet, resorptus, sed magnam partem superstes, alveolis quamvis clausis et margine extremitate quasi in aciem excurrente.

Memineram cum priore decade primum Mongolici hominis cranium exhiberem, binarum imaginum iuuenis Calmucci quæ penes me sunt et gentilitio suo charactere perfecte cum eo conueniunt quem istius hominum varietatis capita ossea praeferebant. Contigit vero mihi ab eo inde tempore esse tam felici ut amicitia viri humanissimi cl. TATTER, M. Britann. Reg. a secret. legation. eiusdem Calmucci effigie, sed ab hoc ipso propria manu, incomparabili plane artificio et gusto, et viuidissima similitudine creta nigra

(f. schisto

(f. schisto scriptorio) delineata, potirer. Cum enim vir iste huma-
nissimus in comitatu Serenissimi M. Britann. Principis AUGUSTI Romae
versaretur, in pictorum coetu diuersarum gentium illuc confluente
Mongolicum hunc summum artificem, cui nomen FEDORIS IWANO-
WITSCH, offendit, eamque quam dixi imaginem ab ipso parari cura-
vit, eaque tanquam cimelio summi pretii supelle&tilem meam an-
thropologicam ditauit. Tanto autem gustu tamque delicate perfectione
expressa est haec imago, ut non semel vel artis periti primo intuitu
haesitarint anne anglici chalcographi opus esset summa mollitie aere
expressum. Quanta vero ipsi insit similitudo vel ex eo coniicere licet,
quod saepius iam viri in itinere versati Roma reduces me inuisentes,
primo statim aspectu et sponte imaginem eam admirabundi agnoue-
rint. Simul autem tam perfecte gentilitium characterem Mongoli-
cum spirat, vt pro ideali huius varietatis generis humani iconē
haberi possit.

* * *

XXIV. ESKIMOTAE PRIMI.

(— Tab. XXIV. —)

Rarissima binorum Eskimotarum crania debo amicitiae viri tum
scriptis tum factis de salute multorum hominum longe meritissimi,
cl. Jo. LORETZ, cuius quippe cura et studio e colonia Nain orae
Labradoricae ad me peruenierunt.

De vtrisque seorsim. Atqui prius de eo quod adhuc inferiore
mandibula instructum est.

Charactères primarii. Vniuerso habitu perfecte medium locum
tenet inter Mongolicae varietatis crania hactenus a me descripta et
Americanae; ita vt transitum ab ipsis ad haec facere dicendum sit.
Facies nempe plana quidem, iugalibus tamen ossibus non adeo vt
apud Mongolicas gentes extrosum eminentibus; nasus paruuus vti-
que, neque tamen adeo vt in his simus et depresso. Mentum
acuminatum, prominens. Fossa basilaris, (regio scilicet margini

postremo laminae horizontalis ossium palatinorum, et processibus pterygoideis ossis sphenoides ad condylos usque occipitales interiecta,) in longum extensa, sed plana, parum profunda. Occiput protuberans.

Alia obseruata. Offa vnguis angustissima, fere linearia et per quam tenuia. Dentium coronae maximam partem detritae: procul dubio ex vixus crudi et durioris ratione; unde et Eskimotarum nomen originem traxisse perhibetur.

Ad amissim respondet caput hocce osseum egregiis imaginibus viuis coloribus a summo artifice NATHAN. DANCE ad ipsam naturam Londini factis binorum Eskimotarum, viri et feminae, a cl. G. CARTWRIGHT a. 1773 a Capite Caroli orae Labradoriae in Angliam translatorum c), quorum copiam pro humanitate sua et studia promouendi ardore mihi fecit Perill. Baronetus BANKS. Nam et viuidae hae icones adeo medium testantur faciem gentilitiam Mongolicam inter et Americanam, ut vel solae ad refutandam ROBERTSONII paradoxam opinionem sufficient, si refutatione adhuc opus esset, quasi nempe Eskimotae a Normannis originem suam traxerint d).

* * *

XXV. ESKIMOTAE SECUNDI.

(— Tab. XXV. —)

In vniuersum priori quoad characteres primarios simile cranium. Imo vero planities singularis fossae basiliaris adhuc maior. Hinc et zygoma elongatius, et valde gracile.

Differt tamen maiore ambitu limbi alveolaris, cuius vero in altero crano angustia fortassis alveolis pridem post dentium casum obli-

c) Cfr. Cptn. CARTWRIGHT's *Journal during a Residence of nearly 16 years on the Coast of Labrador.* vol. I. pag. 41. 262-75. 277.

d) v. ROBERTSON's *History of America* vol. II. pm. 40.

obliteratis debetur; cum contra in eo de quo nunc agimus vtrinque maxillares restent: sed et hi aequae ac caninus superstes admodum detriti.

Singulari ceteroquin et characteristico suo habitu prope abest a binis aliis craniis, eiusdem ut verisimilium est gentis, et si ex longe distantibus, quas mire dissitas incolit, oris; altero nempe quod ex sinu Georgii (*Nutka-Sound*) retulit meritissimus KING et academiae Oxoniensi dono dedit, ubi in theatro anatomico collegii Christi afferuatum, monstrauit mihi amicissimus PEGGE, anatomes Prof. in ea academia dignissimus e); altero ex insula canum (*Hond-Eyland*) ad fretum Disko littoris occidentalis Groenlandiae, quod a chirurgo Würtenbergensi RIECKE reportatum et a WINSLOVIO curate descriptum f).

* * *

e) Iconem huius crani exhibuit a. 1785 tabula anecdota, Per illumtri BANKSIO dicata, CAMPERUS.

f) In *Mémoires de l'acad. des sciences de Paris* a. 1722. pag. 323.

Lapsus CAMPERI, cum WINSLOVIUM plane immerentem hac occasione erroris reum autumabat, emendaui nupera editione l. de generis hum. varietate nativa pag. 227.

VARIETATIS QVINTAE
SPECIMINA BINA.

Bina haec crania insulanorum oceanii australis s. pacifici, quibus collectionem meam ditauit munificentia Perill. BANKSII Baroneti, ut per se iam tam ob ingentem locorum distantiam in aduersa orbis terrauei plaga vnde adiecta sunt, quam ob gentium ad quas pertinuerunt famam et celebritatem summo supellectili meae ornamento sunt, praeterea tamen dupli ex caufa tanto magis memorabilia sunt; quod nempe hactenus nullum huius varietatis generis humani caput osseum iconem exhibitum sit: tum vero quod ad bina ea stemmata pertineant in quae istam varietatem denuo dispescendam esse nuperis nonnullis auctoribus visum est. Alterum nempe, quo et Otaheitenses referunt, badii coloris et elegantioris formae, qua, aeque ac lingua, cum Malais conueniat; alterum contra, cui et Nouo-Hollandos accensent, tam fusco magis colore, quam vultu proprius ad Aethiopum habitum accedens. Quam tamen differentiam non tanti momenti esse, docet tum curatissimorum autoptarum obseruatio, qua constat, multifariis gradationibus oceanii istius insulanos quoad vultum gentilitum inter se differre et inuicem denuo confluere; (inter ipsos v. c. Otaheitenses alios Europaeis fatis similes esse, alios contra Mulatorum faciem prae se ferre g); Nouo-Caledonios autem medium inter hos et Papuanos tenere locum &c.) tum vero ipsius quam hic exhibeo craniorum bigae contemplatio et comparatio.

XXVI. OTAHEITAE.

(— Tab. XXVI. —)

Retulit hocce cranium BANKSII generosiss. rogi fortis et animosus Nauarchus, GUIL. BLIGH, ex memorabili itinere redux quo artocarpi incisae stirpes ex Societatis insulis oceanii australis in Indias occidentales felicissimo successu transportauit. Tantoque maioris aestu-

g) v. BOUGAINVILLE *voyage autour du monde* pag. 214.

aestumandum quod inferiore mandibula adhuc instructum sit, quae in publicis sepulcretis, vbi funera ex gentis istius ritu machinis elatioribus imponuntur, in tanto coeli ardore cito a capite soluta delabitur et cum aliis confunditur; ab eorum vero cadaueribus qui in clade occubuerunt a victoribus statim rescinditur et tropaei loco horum ante fores suspenditur.

Charakteres primarii. Caluaria modice angustata; vtriusque tamen bregmatis medio insigniter protuberante. Mandibula superior aliquantum prominens. Frontis medium et verticis, vbi futura sagittalis excurrit elatiore quasi iugo distinctum. Arcus superciliares admodum tumidi.

Alia obseruata. Vtraque lamina orbitalis ossis frontis, eo praesertim loco cui glandula lacrymalis assedit, pluribus et maioribus foraminulis pertusa est, quam vnuquam alias me vidisse memini. Inprimis vero memorabile est vulnus quo diu ante mortem, lanceae vt videtur ictu, afflictum fuisse Otaheitam ad quem hoc cranium pertinuit, necesse est, ex quo nempe distracta et in interiora ossis ethmoidei intrusa lamina papyracea orbitae sinistram cum vicinis narium internarum partibus offeis, mirum in modum conferbuit.

Conuenit ceteroquin cranii huius habitus perfecte tam cum iis quae de rudiore vultu et lineamentis plebeiorum Otaheitensium perhibentur ^{h)}, quam cum fidis et a peritis artificibus profectis imaginibus eorum, v. c. iis notissimi OMAI quae ad NATHANAELIS DANCE et JOSUAE REYNOLDS picturas aeri incisae sunt.

* * *

XXVII.

^{h)} Ita v. c. de iis magnus ceteroquin Otaheitensium encomiastes, desideratiss. G. FORSTER in *voyage round the world* vol. I. pag. 265. "their features were very irregular, and in general very ordinary."

Et pag. 290. "artless nymphs in whom youth supplied the want of beauty."

XXVII. NOVO-HOLLANDI.

(— Tab. XXVII. —)

Viri iuuenis est, et quidem, vt ex Perillustris BANKSII litteris didici, ex primis eorum qui noua Anglorum colonia prope fretum botanicum (*Botany-bay*) ad Sydneii sinum (*Sydney-cove*) constituta, huic se committere et cum nouis aduenis degere ausi sunt.

Charakteres primarii in vniuersum cum iis quos ad Otaheitae cranium recensui, conueniunt, bregmata tamen minus protuberant; hinc caluaria angustior et hoc respectu paulo proprius ad Aethiopicum habitum accedens. Mandibulae superioris anterior facies naribus subiecta vtrinque vsque ad caninorum dentium alueolos singulariter plana; fortassis ex diutina obicis transuersalis pressione, quod barbaros istos septo narium perforato gestare, notum est. Choana perangusta. Fissurae orbitales superiores praeter modum breues et exiguae.

Alia obseruata: ossium vnguis loco rima angusta, fere linearis, ita vt si adfuerunt ea ossicula, ipsa tamen mirifice angusta fuisse, necesse est. Alueolus dentis incisoris superioris medii dextri coactus, quod eum dentem Nouo-Hollandi pueris suis tantum non omnibus, ex superstitione vt videtur ritu, euellant.

Proxime abest cranii huius habitus ab imagine accurata Papuani ex ins. longa (Belg. *Lange Eiland*) ad caurinum littus Nouae-Guineae, quam peritus artifex CORN. DE BRUIN itinerario suo inferuit ⁱ⁾, et cui binos iuuenes Nouo-Hollandos, quos nouae Coloniae primus Gubernator cl. PHILLIPS Londinum attulit, simillimos esse, ab autoptis doceor.

* * *

SVPPLÉ-

ⁱ⁾ v. EJ. *Reizen over Moskovie &c.* Amst. 1711. fol. pag. 364. tab. 197.

Collato NIC. STRUYCK in *Vervolg van de Beschryving der Staartsterren.*
ibid. 1753. 4. pag. 165.

**SVPPLEMENTVM TRIVM CRANIORVM
INFANTILIVM DIVERSISSIMARVM GENERIS
HVMANI VARIETATVM.**

XXVIII. PVELLAE IVDAICAE.

(— Tab. XXVIII. —)

XXIX. INFANTIS BVRAETI.

(— Tab. XXIX. —)

XXX. AETHIOPIS NEONATI.

(— Tab. XXX. —)

Trigam hanc craniorum hic subiungere operae pretium duxi quod luculenter demonstret, characteres gentilitios, quibus varietates diuersissimae generis humani ab inuicem differunt, iam infantili aetatula conspicuos esse.

Duo ideo specimina exhibeo binorum in ea varietatum scala extremerum, quae nempe omnium maxime inter se abhorrent, Mongolicae inquam et Aethiopicae. Tertium vero quod perfecte medium inter ista extrema locum tenere dicendum est, ad Caucasiam varietatem pertinens.

Hoc scil. Iudaicae puellae circiter quinquennis, hisce in terris natae et symmetrica conformatio elegantia insigne.

Alterum, Mongolicae quippe varietatis, Buratici infantis est sesquiennis, quod rarissimum exemplum iterum Perillustris ASCHIADAЕ munificentiae debeo. Irkutzkum primo attulit cl. KRATZSCH, meritissimus cui summa exercitus commissa est, chirurgus: dehinc vero Petropolin secum attulit cl. LAXMANN Russorum Imperatrici ab aulae consiliis. Utut infantile, molle quasi et rotundatum, non infitiandum tamen Mongolicum characterem, faciem

Comment. Phys. T.XII.

G

nempe

nempe complanatam et iugalia ossa extrorsum prominentia, aperte
prae se fert.

Tertium denique, Aethiopis nempe neonati, acceptum
refero cl. BILLMANN, chirurgo Cassellano experientissimo. Tenellum
hocce cranium mandibulis porrectis vel primo intuitu originem suam
et ingentem a Mongolica varietate differentiam, luculentissime testatur.

* * *

Coronidis denique loco bina monere liceat, quae vniuersam
iconum craniorum, quae ternis decadibus exhibui, rationem attinent.

Primo nempe, quodus cranium eo situ et aspectu delineatum
esse, quo characteres eius distinctiui gentilitii euidentissime oculos
feriunt. Alia ergo a latere, vt ea Aethiopum. Alia directe a fronte,
vt macrocephali istius, (Dec. I. tab. III.) aut Indi Americae septen-
trionalis, (Dec. I. tab. IX.). Longe plurima autem directione plus
minus oblique deflexa, quod eo situ plerorumque character distincti-
vus omnium optime dignoscatur; melius quam si vel a latere vel a
fronte exhibitum fuerit caput: adeo vt me hac ratione, curate in
quodus aspectum maxime characteristicum exquirendo, studio hocce
anthropologico longe satius consuluisse persuasus sim, quam si quod-
vis eorum dupli figura, a latere nempe et a facie directa, ex-
hibuisssem.


Alterum monitum eo redit, quod tamen artis delineandi peri-
tis per se patet, omnes ac singulas craniorum icones *pictorum* more
ex uno eodemque punto optico s. principali fixo et immutato, per-
spectiuice vt dicunt, delineatas esse; minime gentium vero ortho-
graphicica *architectorum* proiectione, qua axis opticus sensim sensimque
mutatus semper horizontali directione cuius obiecti parti obuersus
est

est k). Quanquam enim haec ratio architectonicarum designacionum fini egregie respondet, imo et in vulgaribus tabulis anatomicis satis commode adhiberi potest, quod plures simul obiecti partes visui offerat, quarum contra in perspectiuca delineatione altera alterum absconderet; eandem contra in eiusmodi imaginibus quales hic exhibui et quarum vis et usus vnicē in accuratissima representatione vultus characteristici gentilitii, proportionis ergo et habitus totalis consistit, nunquam fane admittendam esse, facile fatebitur qui craniorum iconem, orthographica ista architectorum projectione designatam, qualis v. c. in B. S. ALBINI *tabulis ossium extat*, cum ipsa natura comparauerit, utpote in qua, fatente ipso tabularum istarum egregio auctore l), "quia more architectorum „mensurata et redditā erat, dentium series multo latior est quam si „quis pictor prope adstant ex uno eodemque aspectu cerneret. — „Pleniora enim et latiora apparent omnia quae architectorum modo „mensurata sunt."

k) v. pluribus de duplii hac delineandi ratione disputantes, CAMPERUM in epistola ad anatomicorum principem magnum Albinum, Groning. 1767. 4.
et B. S. ALBINUM annotationum academicarum L. VIII.


l) Annotat. academic. l. c. pag. 25. 28. 30 et al.

Coment. Tom. XIII.




XII. Feminæ Georgianæ.

III. min. Anno 1660




anno 1660 min. III.


Comment. Tom. XIII.



XXXII Sarmatae Lituani.


W. and A. 1865






XVII. *Sinensis Daurici.*

W. 1. 1. 1. 1.




Coment. Tom. XII.



XXIV Eskimotæ 1^{mi}.

Clementina

Coment. Tom. XII.




XXV Eskimotæ 2^{di}

Contra




Comment. Tom. XIII.



XXXVI O-*tahitæ*.

W. and A. 1860


W. and A. 1860



XXVII. Novo-Hollandi.


M

Coment. Tom. XIII.




XXVIII Puellæ Judaicæ.

W. and W.



W. and W. 111


Coment. Tom. XIII.



XXXIX *Infantis Burætti.*

Wm. H. Dill

Coment. Tom. XIII.



XX. *Aethiops neonatus*.

© SUB GÖTTINGEN / GDZ | 2010



QPCARD 201

